

八瓊室金石札記

八瓊室金石札記卷二

男 繼輝校錄

太倉陸增祥撰

吳興劉承幹覆校

邵鍾銘銘在兩鼓間右四行左五行字小只分許剝泐
難辨就可識者錄之得七十七字文云佳王正月初吉
丁亥邵□曰余畏公之孫邵白之子余頡□事君余□
□武乍爲余鍾元鏐鑄鋁大鍾八肆其寔□諸□其龍
既壽□虞大鍾既蘇工□鼉鼓余不敢爲高我以享孝
樂我先且以斬眉壽世世子孫永日爲寶案邵督縣亭
名見玉篇廣韻亦云亭名蓋卿大夫食采之地後因爲

氏也畏古威字又案營縣屬牂柯郡古非中夏所有此
郎當卽呂字或卽莒字从艸从邑形異實同

楚良臣余義鍾孫氏平津館故物也孫淵如吳侃叔均
有釋文阮文達折衷一是纂入積古齋款識孫氏題爲
楚義鍾余又嘗得其搨貽馮魚山一本有手題分書三
行係乾隆六十年所搨者別裝一幀藏之

虢叔大林鍾在揚州阮氏汪硯山寄貽搨本有阮氏家
廟藏器及恩高所搨金石印章案積古齋款識載之釋
其文曰虢叔旅日不顯皇考惠叔穆秉元明德御于乃
辟昇屯乍攸旅敢啓帥荆皇考威義爲御于天子宙天

子多錫旅休旅對天子魯休揚用作朕皇考惠叔大桀
緡鍾皇考嚴在上翼在下愷愷能降旅多福旅其萬
季子子孫孫永寶用享凡九十字傳相攷證詳備謂此
號叔乃滅後續封之國卣卽說文囟字爲由之古文囟
讀若調調由一聲之轉古音相通故調飢之調讀如周
倬革之倬古作攸畀屯乍攸當爲得純祚攸攸遠也威
義卽威儀愷愷能宗周鍾銘愷字从攴此似从金可
知古文偏旁有變通矣阮氏金石書畫置諸文選樓者
盡付回祿此劫後之塵存者

鄭邲叔鍾銘云丕井未旅日丕顯皇考重未穆秉允明

德御子乃辟昇屯止休旅敢啓帥井皇考威義爲御子
天子對天子魯休揚用乍朕皇考重未大苓鉢鍾用斷
萬季無彊子子孫永寶用享凡六十八字鍾不知所在
打本得自粵東人案與鄭之消井邢之消邢爲鄭邑旅
其名也阮氏積古齋載有井未母鍾奠井未妥寶鍾康
鼎內亦有奠井字皆可取以爲證不顯卽丕顯字屯純
之消止用爲至或釋作乍以爲祚之消者誤義古儀字
魯嘏之借見於古器者甚多苓林古通鍾所應律寶苓
大苓其誼一也

商象彤鼎銘一字曰只案申鼎作𠂔父鼎作𠂔言肇鼎

作豈皆象形此與父鼎相似而小變之說文鼎三足兩耳

利鼎銘在腹內前牆及底其文云唯王九月缺于牧宮

□□缺立中廷缺令內史冊□□□錫女亞□環市繚

□□事利拜□首對揚□子□□似□□用亼朕□缺

利其萬年缺用案亞當卽黻字所謂兩已相背也亦言



兩弓相背然下文又有市爲古蒂字與黻字同疑亞爲

玄之剝蝕字環作∞象形繚者鑿之消利卽利之異文

作器者名 此鼎及郤子戈尊父銅器大泉五十範銅

魚宜牛羊鐸咸陽土器鄭義匱父乙觚孫魚爵大布黃

千範皆漢陽葉氏故物伊臣甥得之東老藏器最富一
散於粵左再散於漢陽其存置京寓者甲戌四月復燬
於火劫燼所餘盡鬻諸市蕩然一空矣

無專鼎在焦山阮文達定爲周器積古齋款識金石萃
編皆載之具有釋文阮跋云無當讀爲鄒燔舊釋作丞
非番古文作此字从火从微有關泐耳鳴是鴻之
古文舊釋作佐攸勒卽毛詩儻革字必讀爲繹與鄭康
成圭中必註相合魯休猶言嘉休舊釋作敷割勾之借
割蓋聲近故可借作勾舊釋作周祥案鄒卽今之許字
內門內古通人故阮氏以入門釋之史記周本紀魯天

子之命魯世家作嘉天子命故可以嘉訓之畢與必古
通故可用爲繹琕亦作璉是畢必相通之證金石文字
中往往互假也

宋御亥鼎鼎存蓋佚舊藏劉燕庭處木座有丙申年題
字今爲夏芝岑所得通高漢尺六寸二分飾以蟠螭鱗
紋口徑九寸二分腹深四寸二分三足似鬲而不空高
三寸四分兩耳在表爾雅附耳外謂之鉞此卽是也耳
高於口一寸六分長三寸六分中空上寬九分旁寬七
分色似澤漆青綠鏽蝕爛然可觀銘五行在內牆文云
宋壯公之孫邁亥自巳會鼎子子孫孫永蓄用之凡十

九字壯莊古通宋莊公名馮說文御从彳从卸皆所以御之古作馭以手御馬此作馭从彳从走馬所以御之極合六書之旨蓋馭之古文亦即御之古文無疑莊公子桓公名御說見史記御作禦御禦古通莊公之曾孫名禦此爲莊公之孫命名御亥古人名字不嫌同文也會字上會下口似是噲字而義不可曉或以爲禴之借字說文禴會福祭也周禮注除災害曰禴此禴祭所用之鼎也或以爲膳之借字膳曰膳鼎餼曰餼鼎其意相同余謂卽會之異文儀禮公食禮坐啓簋會上虞禮命佐食啓會注云蓋也此云會鼎合蓋與器言之耳或又

以爲會同之會御亥非諸侯不得有朝會之事矣鼎字象形上加从一者象扛鼎之木也與釳制相合此鼎雖小猶存其誼

漢太宗廟鼎文曰太宗廟金鼎容一斗重九斤三兩元年十月丁亥宜成□□越庫嬰工九造凡廿九字蝕其二文稱元年而不書紀號景帝時尚未建元也十月二字合文或釋爲直非景帝元年乙酉中元辛卯後元戊戌皆不直亥宜成漢侯國隸濟南郡

商父戊卣銘在其腹文云楊雀父戊寶尊四字反文彝楊字篆法與南宮中鼎同右旁微異器爲裕旨卿所得借

揭之

商子孫卣孫字奇古息柯題爲龍虎子卣未審其詳

咎父癸卣見積古齋款識上作爵集木形彝器多作析木此不析銘云咎作父癸寶尊彝七字

漢千馬卣右作馬形左一千字舊藏阮氏文選樓今燬於火矣庾開府刀銘曰名高千馬蓋亦富厚之義

商父辛爵文在扳內曰父辛辛字微有剝蝕息柯釋爲子字誤矣古人以干爲名不以支也

乙爵銘二字曰乙寶柱上似尙有一申字

父癸爵父癸二字在柱

父甲爵矢形不有弓字再下題父甲二字弓右又有一字似舉

孫魚爵銘在盞左題一孫字下作魚形

周嘉仲罍銘云唯元年正月初吉丁亥嘉仲父擇其吉金自作寶尊彝其眉壽萬年無疆子、孫、永保用父乙觚文云與丁巳父乙彝案與古遵字此加从占疑卽遵之異文或釋爲尊尊其氏也

魯侯角銘云魯侯作善舉鬯庚丁用尊□盥凡十二字案積古齋款識載魯侯簋銘文字相同而彼簋此角迥然絕異首下舉字彼器缺蝕庚字亦有剝泐庚丁二字

彼釋作庚尊下作簋殆因器定字也以篆法審之恐未必然闕疑可耳此本有稗松印章

父戊彝銘云重作父戊寶旅車彝旅車二字合文

息父彝口圓徑六寸五分款在口上文曰宋□息父作
彝□子□□彝搗本有翰林博士孟廣均說方印說卽
識字

事父彝銘五字文云事父作尊彝

利彝銘云唯廿又二年八月既望王在周康穆宮旦王
格大室卽位率頤□似身又似屯伯入門立中廷北鄉王呼

作命內史冊冊命利曰汭女元衣環市黃旂攸勒利拜

爵首對揚王休用作吉君尊彝利其萬季永寶用此器
完好亦葉氏故物劫後所僅有者利字與前鼎同卽其
人歟

變彝通高漢尺六寸六分弱口徑七寸三分腹深四寸
六分兩鑿作牛首下垂有舌舌長一寸八分兩面亦均
作牛首口際四圍有六柱亦作牛首內向通身直線紋
餘皆以蟠虬爲飾銘在腹內文云唯五月旣生霸庚子

申王在周新牧缺室卽立宰顓右燹缺呼內史冊命

缺王德政官缺弗敢不眷缺束帶琫戟缺緜

旂燹拜缺揚天子休令用作缺其眉壽萬季子孫永寶

用案變籀文變字見說文顓卽顓之異文政从古文正
作政器亦葉氏所藏火後檢視破損三十餘字色澤亦
復黝闇而古氣自在也伊臣甥得之乙亥春與銅鼓同
運來湘奉余爲壽

伯敦銘云白作寶敦亦阮氏藏器案博古圖所錄伯鬲
與此相同

頌敦二種文字無二一完好一多剝蝕銘云唯三季五
月旣死霸甲戌王在周康昭宮旦王格太室卽位率宏
右頌入門立中廷尹氏受王命書王呼史虢生冊命頌
王曰頌命女官司成用賓監治新造賓用宮御汭女元

衣帶束赤市朱黃纓旂攸勒用事頌拜詣首受命冊佩
以出反入堊竈頌敢對揚天子不顯魯休用作朕皇考
龔叔皇母龔妣寶尊敦用追孝斬勾康虔屯右通承永
命頌其萬季眉壽無彊畹臣天子需終子孫、永寶用
凡一百五十一字案積古齋款識載有頌鼎頌壺頌敦
各一事以此對校之鼎銘監治上多廿家二字受命冊
無命字敦作鼎子孫、作子、孫寶上無永字壺銘亦
多廿家二字敦作壺子孫、永寶用作子、孫寶四字
敦銘文字悉同而篆法多異蓋又一敦也宰下字以篆
體審之當是引字然博古圖載樂司徒自有此字釋作

宏阮氏從之宜從舊說吮臣字見於彝器者甚多諸家
皆讀爲峻臣以篆體審之明是吮字吮卽允之古文受
命冊佩以出反入覲寵阮氏舉以證易之晝日三接確
當不磨古器有資於經學如此堊覲之嬖竜卽龍字亦
卽寵字與易何天之龍詩爲龍爲光皆同朱黃卽朱衡
襄敦敦已破損僅存腹底及半廓耳銘文十行行首亦
有缺左偏銅汁厯落融積成小山黏著古泉十餘枚似
皆壓勝物銘云缺九月旣望丙寅王在周缺容大室王

命若曰唯昔先王伐反北方之季嬰白□□□乘干包
生乃令女□□□十邑□田乃邑□嬰□□□子孫王呼

內史冊令曰□女乘朱芾元衣帶束□缺汭戈珣戟彤

矢用□乃缺考□襲拜顴首對揚缺令用亾尊敦永寶

用此器蓋襲所作以祀其先人也襲古襲字

虞伯襲敦朱擷筠從張春陔侍御乞得搨本轉貽葉東

卿故物也銘云佳王九月初吉虞白襲慙聖元盍子業克

□淮卽抑變綏湯金尊鏐行具既畢方余擇其吉金用

亾姜湮寶敦彝襲其萬季子孫永寶用享東卿跋云虞

伯襲敦銘五十三字與阮氏鍾鼎款識載曾伯襲簠同

爲一人所作九月初吉庚午幹支同襲名同惟銘辭互

有詳略簠爲祀皇祖文考之器敦爲祀姜湮之器自不

同也所異者簠作曾伯敦作康伯曾卽鄩康伯台文簠
元字下有重文敦無之簠作孔敦作子皆未可強解
聖元蓋似紀先德克邪淮節似紀建績之地湯金尊鏐
當是賜金以備行具之餘者造器耳方字體與簠異或
左或右余餘消文爾雅黃金謂之盪其美者謂之鏐湯
盪消文尊訓治也簠文亦是道鏐釋者誤爲賜金二字
合文又以畢爲俾非是附以證之阮氏又載有遲作姜
湮簠姓稱相同與此無涉竊意湮亦婦氏之俗稱如妻
稱鄉里之類未敢臆斷也祥案曾伯康伯迥異無庸強
合爲一人

不嬰敦銘松坪伯寅先後以搨本見詒題爲孟姬敦余
釋而釋之作器者名不嬰爲其皇祖公伯孟姬作也器
不專屬孟姬因以不嬰敦易之銘云唯九月初吉戊申
白氏曰不嬰馭旁厥允廣伐西隃王令戍姜追于西余
來歸獻禽余命女御追于畚女以我輦宕伐敵允于高
陽女多折首嬰侯戎大同烝追女、彼我大辜敦女休
弗以我輦旨于艱女多禽折首嬰侯白氏曰不嬰女小
子肇諉于戎工汧女弓一矢束臣五家田十田用烝乃
事不嬰拜頤手休用作朕皇且公白孟姬尊敦用匄多
觶眉壽無彊永屯霽終子、孫、其永寶用享案嬰疑

嬰之異文或卽期嫗字作器者名也馭同禦古只作御
御馭古通馭旁言捍禦于邊竟也馭允卽獫狁獫季子
伯槃作匱匱與馭同馭險也允阮之消有高誼命名獫
狁當以地勢險峻之故後人以其爲北狄因字从犬夷
遂作犬旁之獫狁耳廣博也廣伐猶博伐毛詩以薄伐
爲之餘卽涂字下又消作余戍字反文姜當卽姜字地
名馨不可識當亦地名或卽𠂔字宥同蕩𠂔卽馭字變
厂从山同誼藝古執字見汗簡王庶子碑亦見博古圖
齊侯罇鍾侯字篆法與𠂔敦𠂔季子盤同侯繫也卽係
字執侯猶言執俘說見前又案藝至也以本字釋之誼

亦可通歪字不可識或卽永之繁文永象水至理之長
於行誼爲近何以从止不能憐矣艱字篆法亦見齊侯
罇鍾諉卽綬字或釋作誨謂卽敏之通借餘皆恒見
越敦嚳城周義卿所得庚辰二月以它鼎易之黝而澤
連足高五寸九分弱口圓徑八寸一分深四寸二分強
足高一尺六分耳長如之腹底銘十二言文云越乍寶
敦其萬季子孫永寶用案越者踏之異文作器者名也
詩不敢不踏說文兩引之一作躋一作越是其明證此
彝也而銘曰敦古器中多有焉今仍以敦名之

召卣山父簠銘文七行云鄭伯大司工召卣山父作旅

簠用享用孝用勾眉壽子、孫、用爲永寶阮氏允彝
銘跋云司工司空之屬祥疑工卽空字消文

允簠藏阮氏銘云唯三月旣生霸乙卯王在魯命允作
司土司奠還散眾吳眾牧汭戎衣緝對揚王休用作旅
簠二字其萬季永寶用阮云還通寶古縣字吳古虞
字虞人也牧牧人也以揭本審之左旁从干非从牛明
是攷字攷者數之消文然於義不甚協矣當仍舊說爲
是

未舛簠亦阮氏所藏器款識六行積古齋釋之云唯十
月初吉庚午叔舛擇其吉金自作此字已泐薦簠牛以乳稻

亦梁萬季無彊叔舛眉泐壽子、孫、永寶用案稻梁
上字疑卽孚之異文剪之借字易需有孚光釋文本作
剪可爲左證剪有陳誼與盛相近也阮氏釋爲乳恐未
甚的訓乳爲養謂五穀所以養人誼亦迂曲

周劉公簠息柯云周靈王時有劉定公景王時有劉獻
公不言諱蓋劉公自作以追享杜孺也其文曰劉公作
杜孺尊鋪永寶用銘又名杜孺鋪藏李伯時家余案博
古圖載有劉公鋪銘十字其說曰豐似豆而卑是器形
全若豐然銘曰鋪者意其銘鋪薦之義鋪雖無所經見
要之不過豆類蓋銘之有或異者是宜列之於豆左也

今此器銘十一字是別一種息柯以爲簠想因器形定之抑以鋪爲簠之通假耶末一字釋爲銘未確

陳逆簠阮文達謂逆字子行見左哀十四年傳此器作于哀公廿年正月丁亥朔與杜氏長厯合攷覈詳備纂入積古齋款識文云唯王正月初吉丁亥少子陳逆曰余陳桓子之裔孫余爽事齊侯懼卹宗家擇乃吉金以作乃元配季姜之祥器鑄茲寶笑以享以孝于大宗封椁封犬封于封毋作龙永命汚壽萬年子、孫、秉保用案簠古文从匚作匡此从竹其卽簠之古字無疑秉保用搏古圖釋秉爲永詩江之永矣說文引作秉于大

宗于封兩于字未甚確永命汚壽永汚二字恐亦未的
二都公簠銘四行文云二都公作犀中嬭義男尊匡子
、孫、永寶用之凡十八字簠作匡古文恒見之積古
齋款識有都公敦作敦者爲二都公攷人阮氏攷都爲
秦楚界上小國於二字未言之此簠亦二都公所造其
卽攷人與否不可知而稱二都公則同也竊意二爲古
文上字上都猶言上蔡之類

立簠錢十蘭藏器見積古齋款識銘云立爲旅簠子、
孫、永寶用

孟未匱漢尺長一尺九分強腹寬六寸深三寸八分有

半底有銘二行蝕其一文云孟未作寶匱其萬□子、
孫、永寶用凡十五字其鑿在右長二寸六分深一寸
六分口寬二寸高七寸二分左高三寸七分有半鑿在
其上作獸首銜之鑿長七寸七分圓折下灣內微窅手
所持處也四足高二寸三分弱後二差低案春秋左氏
僖二十一年經秋宋公楚子陳侯蔡侯鄭伯許男曹伯
會于孟杜注孟宋地今河南歸德府睢州有孟亭又前
漢地理志後漢郡國志孟縣隸太原郡云晉大夫孟丙
邑後書作邴毛
本前書作孟是有兩孟邑也在宋之孟公羊作霍穀
梁作鄆互相歧異廣韻孟又姓左傳晉有孟丙姓氏急

就篇注云孟衛晉邑左傳衛有孟縣晉孟丙爲孟大夫
廣韻作孟丙通志氏族略云孟氏食采孟邑因氏焉其
地今爲太原孟縣晉有孟丙衛有孟縣此作器之孟未
其卽晉大夫之族歟魯伯服匭弼伯匭末筆向右此作
左曳似異而實同博古圖載孟皇父匭亦如此作朱豐
芑駿聲說文通訓定聲以說文也字爲匭之本字象形
後人加匚以器證之諸匭銘文無加匚之字其說似可
信從然篆體似它而中多一筆與也字不類則亦未爲
確當矣春秋時宋晉衛皆有孟邑左氏僖二十一年會
于孟此宋地也昭二十八年傳孟丙爲孟大夫哀四年

傳孟壺口此晉地也哀十四年傳太子蒯聵獻孟于齊
此衛地也又鄭亦有孟邑後歸於周定八年傳劉子伐
孟朱豐芑謂卽隱十一年傳王取鄆劉蔿邾之邾邾孟
同音古通此孟未之孟不能強定爲何國矣又疑此孟
字亦卽邾之通借邾本殷諸侯周滅之尙書大傳文王
受命之二年伐邾史記周本紀明年伐邾是也後以之
封國左傳邾晉應韓武之穆也說文邾周武王子所封
在河內野王此孟未或卽邾君歟同治癸酉冬岳郡花
橋港浚河發土得之歸張文心大令憲和處今以贈余
出土時役夫以爲金製惡其銹蝕烈火而刮摩之腹鼓

處古色大損幸彤內青綠無恙也

鄭義匜文云賈義苟父亡敦匜其眉壽無彊子、孫、永用賈卽鄭苟卽敬並消文敦其二字半泐

諸女匜有蓋蓋器同銘亞形中作卣形左作格上三矢形銘者女舉太子尊彝七字者古諸字舉字近泐形制與博古圖鳳匜夔匜相類案趙晉齋有是器積古齋款識載之唯亞形中彼作尊形此作卣形爲小異耳阮文達云諸女卽諸子諸姬之例諸子內官之號見管子注亦稱諸姬見漢書高五王傳阮氏又載有諸女尊銘文無太子字

王子申盥蓋阮氏擘經室故物也文達謂申卽子西定爲楚器案方言河濟之間謂之盥盥據此則楚亦稱盥矣其文云王子申作嘉嫺盥蓋其眉壽無替永保用之盥或釋作琰壽或釋作盥此從阮氏盥卽盥二戈並列耳期古文作𠂔下从日此亦同之

虢季子白盤橢方而長約六七尺可以沐浴形製未詳毘陵徐氏舊物今在合肥劉氏壬申冬介韓賡揚協戎索得墨本徐氏變鈞宦於秦因事至鄉見民間以之飼馬易以重直長官索之弗應乃引疾捆載而歸又嘗得一鼎歸田後築室置之分列左右終日居息其間怡然

自得也兵燹後橫尸其中匝月不腐省三軍門聞而異之輦運以去徐氏後裔乞留之弗應有貴人欲之亦弗應珍重與變鈞等夫省三有大功勛位亦顯赫貴人無如之何變鈞一縣令耳乃能抗拒長官棄組而去嗜古甚於嗜名不負斯盤矣銘八行完好僅泐一字文云唯十又二季二字合文正月初吉丁亥號季子白亡寶盤不卽字顯子白庸古用字莖于戎工功之始古通經綬三古四字積畫方磚伐匱繇于洛之陽折首酋執反文倭泐字一是呂失行起子白獻戎于王嘉之孔加泐子白義王各卽格字周廟宣尉受卿士曰白父孔覬又卽有字光王古賜字乘馬是

用左

古佐

王聊用弓彤矢其央聊用戊

古鉞

用政緯

緯

婚

方子、孫、萬季無彊凡一百一十字案經緯卽經

畫之異文博伐卽毛詩之薄伐左从干尤得撻伐之恠其爲薄之古文無疑匱卽屐黹卽靴字允之古文匱黹卽黹狁之異文酋或讀作馘亦通侯字見博古圖敬敦銘亦見不娶敦銘淮南子侯人之子女注云侯與囚繫之繫同執侯蓋卽獻囚之意侯與笑通孟子百里奚左傳祁奚史記均作侯左傳衛彪侯呂覽必已注作奚奚从絲省聲絲古文系字故囚繫之繫可作奚侯从人此似从口上古文字偏旁不嫌變動以口計人亦合六書

之怡周禮奚訓女奴說文作娛古只用奚从女从人从
口皆後人所加𨔵𨔵卽書尙桓桓詩桓桓于征字威武
兒說文引書作𨔵𨔵爲𨔵山字此蓋借𨔵爲之廚榭之
古字𨔵靖之古字光王央方疆銘之有韻者政用爲征
征政古通號季子白伐狄有功王錫之乘馬弓矢乃作
器以紀其績省三蕩寇有功乃獲是盤後先輝映天殆
以之酬其庸歟變鈞名傳劍武進人省三名銘傳合肥
人

雙燕盤同治五年得之長沙質庫以建初尺度之連足
高二寸六分徑二尺疆邊寬二寸作虬蟠紋周圍等瓣

式凡廿四出中作雙燕對舞形頗極生動之致無銘邊背列蝠廿有一首皆內向腹外列蝠如邊之數首皆下俛統蝠四十二皆銜環環用鐵意綴瓔珞之飾者歲久墜落損七蝠九環三足亦作蝠大倍之首上仰蓋所以承盤也銅色樸茂青綠透道或指爲趙飛燕舞盤恐涉傳會要是漢器無疑

父乙器銘二一云子孫父乙一作兩矛相對形下題一女字女左似一元字再下爲父乙器形未詳

父丙器銘云未形龜父丙

父丁器銘云父丁形析木子孫蓋銘相同不知何器

尊父銅器銘文在腹底云揚作尊父敦用享于宗室凡十字右有螭似匚左有柄似斗銘文稱敦博古圖無是器彤文云用享于宗室當是祭祀燕饗所用者

仲子化器銘云仲子化用□楚王用正相用擇其吉金自作□□末二字下皆从皿曼患不可辨正作二字皆反書相字不見於字書

師佳器銘銘六行文云師佳懋懋念王母墓□自作後王母戾賡乃文母魯公孫用貞乃□子師佳王母佳用自念于周公孫子自余□毋享又□凡四十七字其蝕四師作師異文或云帥字兄生二字合文戾疑卽戾字

賡續也紬繹文義兄生弟佳爲異母兄弟也

長久富銅器未知何器銘文三行曰長久富宜酒食樂
未央又一行題一癸字分書陽文左讀末一癸字或歲
陽或作器者名或記器之次第均不可知

咸陽土器不知何名題有款識四字上平列咸陽二字
下右爲巨字左一字下半爲式式上似止又似上疑巨
爲甞距之距此其範也或卽古之桀字亦未可定又案
器中空如筒下孔較小形制似鑲用土不用銅或明器
歟

周羊子戈文曰羊子之觥戈曲阜顏氏得於周公廟側

土中後歸馮氏戈重今庫平三兩八錢孔氏以貨布準之爲十八兩一分三釐視三埒爲一斤四兩者不足十之一用久故也所爲肉倍之胡三之援四之皆與攷工記合第一字舊釋作羊周幔亭以爲羊楚姓也翁覃谿閣學金石記張芑堂金石契从之舉楚武王授師子爲證朱笥河學士仍釋作羊阮太傅積古齋款識从之以晉羊舌氏之族爲證馮旻海金石索兩存其說案國姓爵名無連稱之文朱氏所言確當不磨細審羊字實不出頭阮氏之定論也

郤子戈戈胡已斷缺援尖亦損折銘辭惟郤子舟鑒其

用行用八字爲明顯舟古通周都本在商密秦漢界上
小國後遷南郡都縣

秦右軍戈桂未谷故物後歸葉東卿處今不知存亡矣

文云廿三邠隄缺命右軍工戈夏正豎積古齋款識金

石索皆載之阮氏攷證詳備所釋豎下有一仁字馮氏
題爲秦廿三年戈據金石志補一萬字於命上此本墨
暈無由審辨

晉左軍戈文曰□晉左軍□繚阮文達以爲漢戈云不
可釋者三字左軍舊釋作左庫今諦審之末一字似繚
阮氏別載繚左軍戈跋云繚字古樂省左軍卽下軍其

卽欒氏之物歟此戈明明言晉蓋亦欒氏之物也

衛公孫呂戈文曰衛公孫呂之告戈告造之消阮文達云公孫呂可補三傳所未備

邾戈黃小松司馬故物上三字疑是邾大師磨泐二字當卽其名

蚪戈搗本有穉翁印章戈藏平湖陸氏亦見阮書上作蚪象形下題一至字阮氏云上體作飛鳥形下體从𠂔而橫之𠂔古坤字鳥飛至坤上是至地也此說近鑒

周齊良劍道光丁未得此搗本於都下眞贗不可知而篆法自精劍作鋌从金與吳季子之子劍同上方有吳

興姚廣平題周齊良劍四分書注云梁研室收藏

吳季子之子劍鳥篆十字云吳季之子逞之永用鍤鍤
古劍字余嘗得齊良鍤搨本亦如此作此劍舊爲孫退
谷所藏所謂一字十金者嘗爲跋尾手書之朱竹垞王
漁洋均有題詠池北偶談積古齋款識均詳載其文次
行首一字或釋作保或釋作造吳侃叔定爲逞名以逞
爲季子子之名阮氏从之今審搨本逞不誤也庚午夏
瞿經孳書來謂呂心田觀察獲此劍於長安遂走函轉
勾搨本乃郵寄未久而心田已歸道山憮然

商舞戚作子孫執戈形孫亞於子尊卑之序也下作一

獸似犬然

古戚无文字桂未谷所藏金索載之

古瞿銘一字曰元

肅慎氏弩大小五枚咸豐乙卯得搨本於版肆有藕船
持贈印章並題字云諸公各賜題詠肅慎石弩去年秋
史師自北海竄謫中歸贈此數種亦樵夫得之士中者
孔夫子所謂肅慎氏弩卽此物弟曾作長歌以紀其事
茲分貺諸公并乞題詠誌海外之舊蹟豈不佳哉龍團
記與肅慎并載拙刻不日當奉浼賜正是望案秋史姓
金藕船姓李皆朝鮮使臣入都與名公鉅卿遊恒以金

石投贈好古雅人也弩爲肅慎與否雖不可得而知要亦一時嘉話耳

漢陶陵通款器中空口圍漢尺一尺八分面廣五寸邊右高六分長二寸四分左高七分長二寸三分自邊後角至末斜銳長三寸五分內凹中有脊微偏於右前高一寸二分長四寸亦微凹後高一寸七分彊背廣四寸八分弱前平長一寸六分後斜削至銳末長二寸五分彊款識十六字蝕其一文云塾厓供陶陵通具重四斤

□兩鑄工李常道州何子貞前輩所藏假觀數日手揭之攷塾厓漢縣屬右扶風此作塾厓形似而譌正字通

云山曲曰盪水曲曰厓因以名縣又云盪盪字之譌案
說文盪引擊也無曲詛呂氏春秋涉血盪肝以求之或
以盪爲古抽字詛亦無涉塾下也疑縣名本作塾取卑
下之意與塾江同厓从至凡从至之字皆有下詛然諸
書無作塾厓者未可武斷也積古齋載有陶陵鼎阮文
達謂是定陶共王陵廟之鼎此云陶陵蓋亦同之其爲
西京故物無疑封定陶共王爲共皇帝改置陵寢事在
哀帝二年此器當造於是時通器名兩旁均有小孔必
有一物置其中而用鍼以貫之者然漢書禮器秘器均
無以通名者不可攷矣物全謂之一具云具者猶齊安

宮熏爐上林鼎之言具耳李常名見羊鐙銘云黃龍元年李常造此鑄工李常疑卽其人宣帝黃龍至哀帝建平相距四十餘年也 嗣讀隋書音樂志載梁武帝制定禮樂又立四器名之爲通通受聲廣九寸宣聲長九尺臨岳高一寸二分每通皆施三絃一曰元英通二曰青陽通三曰朱明通四曰白藏通因以通聲轉推月氣悉無差違而還相得中據此知通爲樂器之名是器前高一寸二分與長孫氏所言脗合又知其名岳也至中空處所置之物受聲宣聲不得而知以肌度之當是宣聲卽施絃之處矣又案此器云通則通之名漢固有之

不始於梁武長孫氏云帝素善鍾律詳悉舊事舊事者前代留遺之制也特史所未詳耳

漢建昭雁足鐙此卽王述菴侍郎得之關中者王氏中落爲上海徐渭仁所得咸豐初土寇陷城徐渭仁從之事平瘼斃於獄而此器不知所在矣物非其主亦金石之大厄也 鐙與宋搨褚河南枯樹賦同歸黃荷亭觀察家荷亭鄉居亦久作故人矣近不越數十里竟不得一摩莎爲憾王申秋又志

漢杜陵壺文曰杜陵東園銅壺容二斗重四斤八兩永始元年併工長造護昌守嗇夫宗掾通主守左丞博守

令並省漢志杜陵故杜伯國宣帝更名葬曰饒安此壺
造於永始元年乃成帝卽位之十七年是年乙巳距更
名時已久矣阮氏以杜陵爲宣帝陵蓋以下文言東園
也

大吉壺高慮僂尺一尺二寸七分口徑五寸二分鼓腹
圓圍二尺七寸六分足圓圍二尺二寸六分銘在其底
分書大吉二字反文丁丑三月得於五嵒

古銅和通高漢尺七寸三分上半橢圓居中一葉似輪
而渾圓面空背實外郭隨葉圍之分爲四格亦空之葉
縱三寸四分橫四寸四分統前後一寸五分中含銅珠

圓徑五分許搖之則轉動作聲面作八輻輻寬四分弱
前彎而綴合於中中有穿背亦有穿微小於面皆所以
宣聲使出也萊下方莖高一寸一分寬四分上薄下厚
下半橢方而長中空高三寸八分肩寬一寸五分強隆
起肩側寬八分峻邊四方皆有小孔足寬二寸足側寬
一寸三分四方皆有穿穿圓徑四分又有七線隱起直
注中三左右各二面背相同兩側亦各有一線色純綠
而微黝其音琅琅然案攷古圖以爲舞饒博古圖從之
後遂無易其說者阮文達攷爲銅和簪說以辨正之剏
論亦確論也說見擘經室集云古銅器中有下半長方

形而空其下口以待冒者上半橢圓空中如兩輪形中
中含銅丸望之離婁然搖之其丸鳴于兩輪中其聲鶻
鶻然攷古圖載李氏錄云是漢武時舞人所執之鐃遂
謂之漢舞鐃誤矣鐃者似鈴而無舌周禮所謂以金鐃
止鼓樂書所云小者執而鳴之以止鼓大者懸而繫之
象鍾形薄旁有二十四銑非此之謂此乃古車之和鑾
也鑾亦作鸞鄭氏注戴記云鸞和皆鈴也又云鸞在衡
和在軾此據大戴禮而云然謂鸞在衡之端和在軾之
前此器近世流傳甚多其下方空處應卽冒車前兩柱
之端故有旁孔以待橫貫使不致脫韓詩傳云升車前

馬動馬動則鸞鳴鸞鳴則和應蓋鸞近馬首乘則馬動而鸞鳴和乃應之左氏傳錫鸞和鈴昭其聲也經解云升車則有鸞和之音皆此物也鸞者謂橢圓之瘠形爾雅曰巒山墮詩曰棘人欒欒兮婉兮欒兮皆謂瘦削之形執其鸞刀亦象其形以爲象鸞鳥鳴聲者誤矣和字亦象形爲桓字同音假借字車前軾兩柱如桓楹和門然若以爲音聲之和誤矣祥案此器面空背實與博古圖所載微異而形制相同其卽銅和無疑馮氏金索亦載有此種并謂其異者聲別清濁也又云漢魏樂府有鼓吹鏡歌想以此爲鼓吹之節要以阮說爲是乙亥四

月輝兒自京攜歸與始建水匱蓋同得之秦人

漢小鐸銘二字不可識陰款金索所載惟永平小鐸爲陰文餘俱陽識有宜牛宜田原宜子孫宜子大吉牛馬大吉利土日各種

宜牛羊鐸文曰宜牛羊三字分書金索所載或題宜牛或題宜牛馬並與此同意

銅魚長四寸許面有文曰大吉昌宜侯王陰款背亦有文曼患難辨末一字似利中空當卽魚鑰或爲佩飾

虎鐸橢圓中空下甬如幢上半較大鼓腹承繫繫上作立虎形里俗呼爲甕鐘案周禮以金鐸和鼓注云圓如

椎頭大上小下樂作鳴之與鼓相和正字通鐔釭皆因山川形似圓碓深箛者故以爲名此殆其遺製歟鐔出多近苗蠻之區殆蠻人所作樂器如銅鼓之類雖非三代法物要非近今所制余收弄七事大者高今尺二尺四寸五分鼓腹處圍圓倍之小者高一尺三寸一分彊鼓腹處圍圓二尺三寸二分槃底作雙魚紋與漢洗無稍異虎後又有一泉形四字曼威不可辨似是大泉五十餘高一尺八寸七分一尺六寸四分不等有作鳳皇獸首者形製均同立虎與鐘紐相類殆懸以撞擊耳聞湘陰張氏藏鐔槃內題已丑二篆文余未之見

又光緒辛巳五月伯寅寄虎鐔搨墨一紙紙尾有八願齋印章不審何人所藏左作一魚形右作一弓二矢及觚形前作一圓二直似古器中所謂室形者又有三橫後作三折似是已字反文

銅鼓圍圓今尺四尺八寸高八寸五分葉東卿故物也甲戌四月厄於火燭扁不可整理矣有款識云大王庚午季六月十八日造小篆十一字蓋苗蠻長所爲也紀年莫攷何代銅鼓有文字者絕少葉氏又有一完好之鼓亦有文字今歸伊臣甥處

漢石槨題字文曰利後子孫字徑四寸餘潘伯寅得以

搨寄形製未詳

漢菑川太子鑪銘四行曰菑川太子家金煇盧容二斗半重十斤八兩積古齋云趙太常所藏器漢書龍邱侯等皆菑川懿王子陸元侯等皆菑川靖王子北鄉侯菑川孝王子此不知所屬盧鑪之消

漢菑川太子鉤銘七言曰今菑川太子家賜案鉤云家賜是賜其家臣者餘詳積古齋鑪跋

漢左護都尉鉤四字分列左右

帳構銅款一行云五月十日中尙方造長一丈廣六尺澤漆平帳下構銅重六斤十二兩搨本有嘉禾郭氏止

亭所藏長章案積古齋載有景初帳構銅大略相同唯
此有月日而無建元彼云平坐帳上廣構銅此無坐廣
二字又上作下彼重二斤十兩此則六斤十二兩爲異
耳金索又載景初帳構銅廣作邊餘同此器疑與彼同
時所造故不再題紀元彼爲上此爲下也特不知輕重
懸殊何以若是耶

玉虎符二事一見將軍虎符四半字一共十餘字惟武
亭二字爲明顯搨本有喜孫印章蓋維揚汪氏所藏也
道光丁酉從外從祖小廬先生句得之阮氏積古齋載
銅虎符亦有武亭字

孟獲兵符形似半規同治辛未夏宋雲孫大令見贈云
三國時孟獲所遺銅印在滇藩庫中以余審之殆兵符
也文字不可識王司寇阮文達先後入滇搜求金石不
遺餘力何未聞一言及之豈出土在後耶姑留之以俟
諮訪雲孫名組同江西人其從父小墅方伯現官於滇
唐交代銅符下一字不可識上一字是化息柯定爲交
代符未知所據器爲息柯所藏丙子捐贈

慮僥尺文藏衍聖公府萃編載之慮僥隸并州太原縣
顏音廬夷居易錄云漢章帝時冷道舜祠下得玉律以
爲尺與周尺同因鑄爲銅尺頒郡國謂之漢尺此或其

遺歟搨本有乾隆六十年三月三日顏之青手搨小字一行之青曲阜人於今七十五年矣已巳十月

漢孝文廟鎮湘鄉陳舫仙自關西攜歸甲戌夏借搨而釋之款識四行曼威三字首行題漁陽郡郡下似無文字次云孝文廟鑄□鎮容三斗重□□五兩第卅一案鎮字不見於字書蓋卽幙之異文幙覆也字亦作冪移巾於下耳周禮冪人說文引作幙是其左證亦借扛鼎之鼎爲之有尊彝之幙儀禮大射儀冪用錫若絺燕禮公尊瓦大兩有豐冪用綌若錫鄉飲酒禮尊綌冪賓主徹之禮記禮器犧尊疏布冪禮運疏布以冪

此冪之誤字禮器注

云或作幕是幕之通借字
說文云覆食桮亦曰幕周禮幕人注以疏布巾幕六

尊以畫布巾幕八簋是也有簠簋之幙儀禮公食禮簠

有蓋幕燕禮執幕者舉幕主人酌膳執幕者反幕是也

有鼎之幙儀禮公食禮鼎若束若編士虞禮有司徹之

局鼎特性禮升胙俎鼎之特豚載合升離肺實于鼎設

局鼎是也此卽覆鼎之幙矣玉篇幕鼎蓋也古用絺綌

用錫此綌之古字用疏布用畫布故字从巾亦或用茅見公食禮

注後人用銅故字从金从金者後起之字許書不收幙

銀古今字其實幕本作巾幙二字已有古今之判後

世孳乳日多不復涉其原矣漢漁陽郡在今順天密雲

境內舫仙名湜曾官山西按察使

賀祕監酒牌長一寸七分寬一寸上橫列賀祕監三字
下作一人走馬狀蓋卽以爲祕監也辛未夏瞿經孳寄
贈搨本云得之長安市中恐好事者爲之耳

養鷹官軍牌一面畫一鷹上橫列號數字已不可辨一
面題隨駕養鷹官軍勇士懸帶此牌無牌者依律論罪
借者及借與者罪同又有豹牌畫一豹上橫列豹字捌
伯伍拾玖號八字一面文與前同惟易鷹爲豹耳此前
明之物也

吳越金塗塔黃小松司馬所藏搨本有小蓬萊閣金石

方章塔有畫象張芑堂金石契馮晏海金索均摹之明
萬厯初常熟顧耿光掘得一塔見程嘉燧破山志略與
此無二

宋茶銀方七分厚五分許面鐫龍形搨本有藕船持贈
印章又有題字云此茶銀北宋宣和所製小龍團前年
敝友得之於高麗僧寺石塔中弟從秋史師得二枚藏
之此次帶來奉呈一枚以求題詠弟已有文記之
且此宋理宗玉押也辛亥春向稚蘅索得搨本

宋玉筭寬九分高四分彊橫列八字云皇宋元祐玉工
安仁搨本有萇生所藏印章木老一字萇生蓋瞿氏故

物也

金貞祐鈔潛研有跋萃編載之壬申四月於故書中檢得此揭製爲屏金宣宗貞祐凡四年宋寧宗嘉定六七八九年也左有趙堂審定印章同人先生一字趙堂蓋其所藏

瓦竈外從祖同人先生故物也嗣歸程序伯處兵燹後無復存矣下方有木夫先生分書題刻云此瓦竈雖無年月款識然已見續漢書禮儀志其爲漢晉間墓中明器無疑三十年前同里錢同人孝廉所得今藏程氏小松園閣道光壬辰閏六月木居士瞿中溶題記序伯喆

嗣稚蘅以此搨本贈予有心芷手搨小印心芷爲木老
次子早歸道山今稚蘅亦已悲宿艸爲憮然者久之
又余壬申購藏一具長五寸九分前圓而後方寬四寸
五分面作兩竈中空所以支鬲者右列龜魚雞豚形象
惟肖餘則炊爨之具高二寸一分後側中作竈突方八
分突左一人作引弓將射之狀右一獸似犬如今俗所
續張仙者世稱竈神姓張殆以是爲竈神歟

入殿室金石札記卷二終